



***Javna ustanova Srednja ugostiteljsko-turistička škola  
Public institution Secondary school of hospitality and tourism***

---

Broj: 01-1-113/20

Sarajevo, 25.09.2020. godine

Na temelju odredbi člana 143. Zakona o srednjem obrazovanju ("Službene novine Kantona Sarajevo", broj: 23/17), te odredbi Poslovnika o radu Školskog odbora Javne ustanove Srednja ugostiteljsko-turistička škola Sarajevo, Školski odbor je na XXXV sjednici održanoj 25.09.2020. godine, jednoglasno donio

## **ODLUKU**

I – Usvaja se Izvještaj o realizaciji Plana rada Školskog odbora Javne ustanove Srednja ugostiteljsko-turistička škola Sarajevo za školsku 2019/2020. godinu.

II – Ova Odluka stupa na snagu danom donošenja.

## **OBRAZLOŽENJE**

Školski odbor Javne ustanove Srednja ugostiteljsko-turistička škola Sarajevo održao je 15 sjednica u školskoj 2019/2020. godini, te u potpunosti realizovao utvrđeni Plan rada za tekuću školsku godinu, kao i prethodnih školskih godina za vrijeme trajanja mandata, kako slijedi:

- usvajanje i izmjena normativnih akata Škole: Izmjene i dopune Pravilnika o radu i Pravilnika o unutrašnjoj organizaciji i sistematizaciji radnih mjesta Škole, te izmjene i dopune Pravila Škole na koje je Škola dobila Saglasnost resornog Ministarstva;
- imenovanje stalnih i povremenih komisija – imenovanje komisije za upis učenika u prve razrede, Imenovanje komisije za javne nabavke, imenovanje komisije za utvrđivanje prijedloga za izbor radnika škole, imenovanje komisije za ocjenjivanje radnika, te komisije za utvrđivanje prijedloga tehnološkog viška i kadrovskih potreba, zatim formiranje inventurne komisije za popis sredstava, i komisije za pregled i utvrđivanje tačnosti podataka u svjedodžbama i diplomama;
- izvještaj o realizaciji Godišnjeg programa rada Škole za prethodnu školsku godinu i usvajanje Godišnjeg programa rada Škole za tekuću školsku godinu;
- rješavanje molbi radnika i učenika odnosno njihovih roditelja, i trećih lica, rješavanje po žalbama roditelja učenika na izrečene odgojno-disciplinske mjere;
- razmatranje plana adaptacije školskih objekata – tekuće održavanje, adaptacija postojećih prostorija i utvrđivanje potrebnih radova za rekonstrukciju dijela školske radionice hotel "Nacional";
- usvajanje finansijskih izvještaja i godišnjih obračuna, te utvrđivanje visine blagajničkog maksimuma za tekuću godinu;
- utvrđivanje prijedloga Izmjena i dopuna Nastavnih planova i programa Škole i formiranje komisija za izradu normativnih akata i nastavnih planova;
- donošenje akta o osnivanju Programa obrazovanja odraslih JUSUTŠ i formiranje Komisije za izradu Elaborata o Programu obrazovanju odraslih i Komisije za izradu Pravilnika o troškovima Programa obrazovanja odraslih;
- utvrđivanje prijedloga Programa stručnog osposobljavanja putem kurseva i saglasnost resornog Ministarstva na isti;

- utvrđivanje Plana javnih nabavki roba, usluga i radova JUSUTŠ, donošenje odluka o pokretanju postupaka i izboru ponuđača javnih nabavki roba, usluga i radova JUSUTŠ za 2020. godinu, te rješavanje po žalbama ponuđača u postupcima javnih nabavki;
- usvajanje izvještaja o uspjehu učenika u učenju i vladanju i nadzor nad dostavljenjem istih resornom Ministarstvu i Prosvjetno-pedagoškom zavodu KS;
- usvajanje izvještaja o nadzoru nad radom ustanove i direktora i ocjenjivanje rada direktora Škole,
- usvajanje izvještaja o realizovanoj učeničkoj ekskurziji i stručnoj ekskurziji radnika;
- plan korištenja godišnjih odmora radnika;
- plan upisa redovnih učenika i verifikacija upisa učenika u I /prvi/ razred;
- utvrđivanje troškova školovanja redovnih učenika i odluka o utrošku sredstava školarine učenika;
- raspisivanje oglasa za upis vanrednih učenika;
- raspisivanje konkursa za prijem radnika;
- usvajanje izvještaja o realizaciji i usvajanje Plana rada Školskog odbora.

Školski odbor JUSUTŠ je izmijenio Pravilnik o načinu rada, te je u vrijeme vanrednog stanja izazvanog pandemijom COVID 19 redovno održavao sjednice online putem i putem telefona.

Na osnovu gore navedenog, utvrđeno je da su svi poslovi iz nadležnosti Školskog odbora u školskoj 2019/2020. godini urađeni, odgovoreno je na sve zahtjeve i molbe upućene Školskom odboru, riješene su sve žalbe i prigovori iz nadležnosti Školskog odbora, usvojeni potrebni izvještaji, uspješno su realizirani zadaci, te je podržana Škola u ostvarenju svojih ciljeva, kao i saradnja sa drugim školama, privredom i međunarodna saradnja, te je na temelju odredbi Poslovnika o radu Školskog odbora Javne ustanove Srednja ugostiteljsko-turistička škola Sarajevo, donesena Odluka kao u dispozitivu.

Predsjednik Školskog odbora

---

Mirza Ramić, mr.sci.

Dostavljeno:

1. Predsjedniku i članovima ŠO x4
2. Oglasna ploča x2
3. Arhiva.